



Pou Piblikasyon Imedya: 16/08/2023

GOUVÈNÈ KATHY HOCHUL

**GOUVÈNÈ HOCHUL, KÒ ENJENYÈ LAME AMERIKEN AN, AK SOSYETE ISTORIK MONTAUK ANONSE FINISMAN PWOJÈ REZISTANS KOTYÈ MONTAUK POINT LAN AK RESTORASYON FA ISTORIK LA**

*Revètman an wòch fè pati efò revitalizasyon litoral 44 milyon dola ki sipòte ak fon federal ak fon Eta yo*

*435,000 dola adisyonèl nan finansman Eta a te ede konplete pwojè pou pwoteje tou fa istorik la ak retabli rezidans gadyen yo*

*Imaj dròn yo disponib [isit la](#)*

Gouvènè Kathy Hochul, Kò Enjenyè Lame Ameriken (U.S. Army Corps of Engineers, USACE) nan Distri New York la, Montauk Historical Society, ak lòt patnè jodi a selebre re-ouvèti Fa Montauk Point (Montauk Point Lighthouse) ki fèk retabli a ak finisman yon gwo pwojè rezistans kotyè pou pwoteje fa istorik la ak resous kiltirèl ki asosye yo. Moniman istorik la, ki sitiye nan ekstremite lès nan Long Island, te sibi yon gwo renovasyon pandan plizyè ane epi yo pral siyifikativman pwoteje li kont vag ak tanpèt kotyè yo akòz yon nouvo revètman an wòch ki pral anpeche ewozyon ak degradasyon sit la.

"Tanpèt ekstrèm yo ka gen yon enpak devastatè sou anpil kominate ak resous, espesyalman isit la nan konplèks Montauk Lighthouse kotyè a", **Gouvènè Hochul te deklare.** "Eta New York fyè pou l konplete pwojè sa a ak Kò Enjenyè Lame Ameriken an pou mete ann aplikasyon pwojè rezistans rivaj enpòtan sa a yon fason pou yo pwoteje epi jwi bilding ak lakou fa ki byen renove yo pou jenerasyon k ap vini yo."

**Kòmandan Distri New York la, nan Kò Enjenyeri Lame Etazini an, Kolonèl Alexander Young, te deklare,** "Finisman pwojè sa a se yon etap enpòtan sou plizyè nivo akòz nati istorik etablisman an epi li plase nan kominate a ansanm ak istwa Ameriken an. Fa Montauk Point la jwe yon wòl kle nan sèvi kominate maritim lan pandan plizyè deseni epi travay yon gwoup moun ki gen anpil talan fè depi anwo jouk anba pral asire ke li rete yon senbòl fòs ak enjenyeri Ameriken pou ane k ap vini yo. Mwen ta renmen remèsyé tout patnè nou yo nan nivo federal, eta ak lokal pou sipò yo. Nou pa te kapab fè li san yo."

Pwojè jesyon risk domaj tanpèt kòtyè Kò Enjenyè Lame Ameriken an (USACE) te enkli rekonstriksyon apeprè 1,000 pye lineyè nan revètman an wòch, ki gen ladan eliminasyon ak re-tilizasyon wòch amati ki egziste deja yo, ak livrezon ak plasman nouvo wòch amati ki peze ant 10- 20 tòn yo chak. Pwojè a fèt pou pwoteje fa istorik Montauk Point lan, konplèks la, zòn falèz la ak resous kiltirèl ki asosye yo nan estabilize sit la epi pwoteje li kont tanpèt kòtyè alavni yo.

Depans efò jeneral la pou retabli ak pwoteje moniman istorik la te apeprè 44 milyon dola, sa ki enkli akòde yon kontra konstriksyon bay H&L Contracting nan Bayshore an 2021. Pwojè a te pataje depans lan ant USACE ak Depatman Konsèvasyon Anviwònmantal (Department of Environmental Conservation, DEC) Eta New York la. DEC te angaje 15.4 milyon dola nan finansman NY Works (Travay NY yo) kòm esponsò ki pa federal nan pwojè a. Esponsò lokal la, Sosyete Istorik Montauk (Montauk Historical Society), pral mentni sit la pou I kontinye itilize kòm yon atraksyon touristik ak sant edikatif.

Fa Montauk Point lan se pi ansyen fa nan Eta New York, ke dezyèm Kongrè a te otorize an 1792 sou Prezidan George Washington. Konstriksyon an te fini nan mwa novanm 1796, epi yo te deziyen li kòm yon Pwen Repè Istorik Nasional nan dat 5 mas 2012. Fa nan Rejis Sit Istorik Federal ak Eta a yo (Federal and State Registers of Historic Places).

Fa Montauk Point lan te konstwi apeprè 300 pye de ak bò orijinal falèz la, ki te vin deplizanpli mwens estab pandan ane yo, sa ki te fè li trè vilnerab fas ak ewozyon tanpèt kòtyè ak gwo domaj yo

**Komisè Depatman Konsèvasyon Anviwònmantal (Department of Environmental Conservation, DEC) Eta New York la Basil Seggos te deklare**, "DEC fyè pou I kreye patenarya ak USACE pou I ofri yon pwoteksyon alontèm pou Fa Montauk Point lan kont ewozyon kòtyè yo ak evènman tanpèt alavni yo. Chanjman klimatik rete yon vrè defi pou kominote kòtyè yo, sa ki ogmante frekans evènman metewolojik ekstrèm yo tankou Sipè Ouragan Sandy epi ki lakòz vag tanpèt pi entans ak inondasyon kòtyè. Nakad lidèchip Gouvènè Hochul, DEC ap kontinye travay ak patnè lokal federal, eta ak lokal yo pou sipòte inisyativ rezistans epi ede kominote yo vin pi byen prepare pou lè pwochen gwo tanpèt la frape."

**Prezidan Sitwayen Konsène pou Montauk (Concerned Citizens for Montauk, CCOM) David Freudenthal, te deklare**, "CCOM, antanke òganizasyon anviwònmantal k ap mennen nan Montauk pandan 53 dènye ane ki sot pase yo, remèsye Gouvènè Hochul paskeli atire atansyon publik la sou risk ijan rivaj vilnerab nou an fas ak chanjman klimatik la ak ogmantasyon nivo lanmè a. CCOM pran angajman pou I travay ak patnè nou yo nan gouvènman an pou reponn ak danje iminan pou kominote nou an. CCOM ap travay ak East Hampton Town ak Eta New York depi 2014 pou devlope yon solisyon konplè alontèm pou litoral Montauk la, ki gen ladan adopsyon an 2021 [Plan Evalyasyon ak Rezistans Kòtyè a](#). Nou paka tann livrezon an pita nan ane sa a nan

alimantasyon an sab pou plaj anba laval Montauk yo nan kad plan Federal Fire Island lan pou Montauk Point pou ofri stabilizasyon kòtyè a mwayen tèm."

### **Pwojè Restorasyon Fa Istorik la**

Anplis finisman travay stabilizasyon rivaj la, Soyete Istorik Montauk te konplete 2 milyon dola nan renovasyon nan fa istorik la ak rezidans gadyen an. Travay restorasyon fa a te antreprann ansanm ak travay revètman an epi yo te sipòte pa plis pase 435,000 dola nan finansman Eta New York.

Biwo pou Pak, Rekreyasyon ak Prezèvasyon Istorik (Office of Parks, Recreation and Historic Preservation, OPRHPnan Eta New York lan te akòde yon sibvansyon 313,500 dola pou konsèvasyon istorik epi Empire State Development te akòde yon sibvansyon kapital 125,000 dola, Konsèy Developman Ekonomik Rejyonal (Regional Economic Development Council, REDC) Long Island rekòmande pou sipòte Fa Montauk Point lan kòm yon premye destinasyon istorik, kiltirèl, ak Iwazi. Finansman an, ki soti nan Fon Pwoteksyon Anviwònmantal (Environmental Protection Fund, EPF) atravè Konsèy Developman Ekonomik Rejyonal (REDC) la, te adrese domaj nan fasad an wòch tou fa a epi li te garanti entegrite estriktirèl alontèm estrikti istorik la.

Sosyete Istorik Montauk te sekirize lòt fon prive pou ede sipòte restorasyon gwo tou fa 1796 la, rezidans gadyen 1860 la, ak Enstiti Oseyan (Oceans Institute) ki fèk renove a, ki se yon mize ki konsantre sou sante oseyan an. Pami nouvo karakteristik yo genyen yon akwaryòm vityèl entè-aktif ki plen ak bét lanmè lokal yo, ki soti nan oma rive nan balèn.

**Komisè Biwo Pak, Lwazi ak Prezèvasyon Istorik Eta New York lan, Erik Kulleseid, te deklare,** "Nou kontan anpil pou nou kapab ede prezève Montauk Lighthouse anblematik la. Se youn nan destinasyon istorik kle yo non sèlman nan Eta New York men nan nasyon nou an epi nou felisite tout moun ki te travay di pou mete li kanpe pou jenerasyon k ap vini yo."

**Prezidan, Direktè Egzekitif Jeneral ak Komisè Empire State Development lan, Hope Knight, te deklare,** "Fa Montauk Point lan kanpe yon fwa ankò kòm yon moniman pou tan pase nou an ak yon destinasyon pou kiltive koneksyon ak kilti kòtyè Long Island lan. Retablisman li se yon temwayaj devouman Eta New York pou konsève eritaj itorik nasyonal sa a epi ankouraje moman lajwa, aprantisaj, ak koneksyon pou tout moun ki vizite senbòl anblematik nan zòn litoral sa a."

**Prezidan Konsèy Empire State Development lan, Kevin Law, te deklare,** "Avèk reouvèti Fa Montauk Point ki renove a, yon limyè istwa ak kilti sou Long Island ap ekdre yon lòt fwa ankò. Eta New York fyè dèske li bay yon plas kote fanmi yo, moun ki renmen istwa yo, ak eksploratè kiltirèl yo ka reyini ansanm epi kreye souvni presye ki pral briye nan tan kap vini an."

**Ko-prezidan REDC Long Island lan, ki se Linda Armyn, Direktè Estrateji ak Maketing Egzekitif nan Bethpage Federal Credit Union, ak Doktè John Nader,**

**Prezidan Farmingdale State College te deklare**, "Nou rejwenn Gouvènè Hochul ak avèk fyète pou selebre renovasyon Fa Montauk Point la. Restorasyon sa a pote nouvo lavi nan yon bijou istorik, ki mete aksan sou devouman Eta New York nan edikasyon, touris, ak prezève fa anblemtik nou yo kòm yon moniman istorik nasyonal dirab."

**Lidè Majorite Sena a, Chuck Schumer, te deklare**, "Nou soti lwen depi 1796, epi tou se men bagay la pou Fa Montauk Point istorik la. Li t ap rapwoche pi plis pi pre dlo Atlantik la, men ak fon federal ijan ak konstriksyon ki fini, yo te retabli pwoteksyon rivaj yo te bezwen pou kenbe limyè fyète ak touris Long Island briye pou ane k ap vini yo. Mwen remèsyé Gouvènè Hochul, DEC Eta New York, ak Konte Suffolk pou patenarya yo, epi asireman Kò Enjenyè Lame Ameriken an pou travay dilijan li pandan plizyè ane pou sekirize bél estrikti sa a. Kounye a, youn nan gwo bijou nou yo k ap klere ak fyète sou kouwòn kotsyè Long Island la pral rete an plas pou ane k ap vini yo, epi 'rivaj' li a bél."

**Senatè Eta a, Anthony Palumbo te deklare**, "Fa Montauk lan se yon senbòl enpòtan nan istwa maritim rejon an ak yon limyè pou endistri touris ak lapèch East End la. Mwen bat bravo pou efò patnè eta ak federal nou yo fè nan pwoteje ak prezève moniman istorik sa a pou jenerasyon Nouyòkè k ap vini yo ak pou vizitè atravè mond lan."

**Manm Asanble Fred W. Thiele, Jr. te deklare**, "Montauk Lighthouse se senbòl anblematik Long Island pou anpil jenerasyon. Finisman pwojè revètman sa a pral asire entegrite baliz istorik sa a pou pwochen rezidan yo ak vizitè yo kapab jwi. Mwen te kontan jwe yon wòl nan patenarya publik/prive ki te rann pwojè sa posib lè yo te adopte lejislasyon ki nesesè anpil ane de sa nan Lejislati Eta a. Mwen feisite Sosyete Istorik Montauk pou vizyon yo ak defans yo pou wè pwojè sa a fini avèk siksè."

**Sipèviziè Vil Southampton Ian, Peter Van Scoyoc, te deklare**, "Fa Montauk la, kote solèy la premye leve sou Eta New York, se non sèlman yon senbòl anblematik pou New York, men se yon moniman istorik yo apresye nan Komin East Hampton, ki reprezante yon pati nan istwa naval nou an ki remonte depi nan premye epòk nasyon nou an. Gras ak gwo finansman federal ak Eta New York, ak efò Sosyete Istorik Montauk, Kò Enjenyè Lame a, ak kontraktè yo ki te konplete gwo pwojè sa a pou retabli revètman wòch ki pwoteje li a, fa a pral la pou plizyè jenerasyon k ap vini", deklarasyon Sipèviziè Komin East Hampton Ian, Peter Van Scoyoc.

**Prezidan Sosyete Istorik Montauk la, Joseph Gaviola, te deklare**, "Sosyete Istorik Montauk la rekonesan anpil anvè Gouvènè Hochul, Senatè Schumer ak Gillibrand, ak Ajans Federal, Eta ak Lokal yo, pou nouvo Revètman ki pral pwoteje Fa Montauk la pou jenerasyon k ap vini yo. Sa a se travay pyonye, pou plizyè jenerasyon ak yon bél egzanp yon Patenarya Publik/Prive ki te travay pou prezève estrikti istorik ak anblematik Long Island lan. Antanke jeran pi ansyen fa nan New York la, yon Moniman Istorik Nasyonal ki te komisyone pa George Washington, sa a se yon rèv ki reyalize."

**Prezidan Konsèy Metye Batiman ak Konstriksyon (Building and Construction Trades Council) Konte Nassau ak Suffolk la, Matthew Aracich, te deklare,** "Mwen felisite Gouvènè Kathy Hochul, ansanm ak Senatè Ameriken yo, Chuck Schumer, ak Kirsten Gillibrand paske yo te pran dispozisyon ki nesesè pou pwoteje youn nan byen ki gen plis valè nan Long Island, ki se Fa Montauk Point lan. Fa Montauk Point lan plis pase yon fa ki te gide maren yo pandan 227 ane, li se yon Moniman Istorik Nasyonal epi li se sinonim ak Long Island. Manm kalifye nou yo fyè dèské yo te fè pati pa yo nan restore pwojè sa a nan ansyen glwa li lè yo sèvi avèk ekspètiz yon mendèv lokal sendika. Jodi a, li evidan ke nou dwe kontinye pouswiv nouvo inisyativ nan enèji vèt ki bay bon envestisman pandan y ap pwoteje litoral nou an kont ewozyon epi kenbe bèl zile sa a ke nou tout rele lakay nou."

**Prezidan ak Direktè Egzekitif Jeneral Asosyasyon Long Island lan, Matt Cohen, te deklare,** "Montauk Lighthouse non sèlman li se yon moniman istorik nasyonal ak eta, men se tou anblèm rezistans, ak ewoyis, ak fòs rezidan Long Island yo. Finisman renovasyon yo pral asire ke jenerasyon k ap vini yo pral enspire pa istwa li yo epi li pral rete yon avantaj ekonomik enpòtan."

Eta New York kontinye angaje resous rekò pou sipòte rezistans kominotè ak pwoteksyon anviwònman an. Pami anpil viktwa anviwònmantal nan bidjè Eta pou ane Fiskal 2023-24 la, Gouvènè Hochul te kenbe finansman EPF la nan 400 milyon dola, ki se nivo finansman ki pi elve nan istwa pwogram nan. Anplisde sa a, Lwa sou Obligasyon Anviwònmantal pou Dlo Pwòp, Lè Pwòp ak Travay Vèt (Clean Water, Clean Air and Green Jobs Environmental Bond Act) istorik la se pi gwo obligasyon anviwònmantal nan istwa eta a epi se premye nan New York depi 1996. Lwa sou Obligasyon an pral rann 4.2 milya dola disponib pou pwojè anviwònman ak kominotè yo, ki gen ladan omwen 1.1 milya dola pou restorasyon ak rediksyon risk inondasyon ak omwen 650 milyon dola pou amelyore kalite dlo ak enfrastrikti fleksib. Pou plis enfòmasyon, ale sou <http://ny.gov/BondAct>.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)